

Denuncia haci na polis encuanto posible fraude cu permiso pa stranhero

ORANJESTAD (AAN): Tabata despues cu 12'or di merdia a bati, cu a presenta na Warda di Polis dos homber Colombiano pa denuncia caso serio contra di un señora.

E hombernan di inicialnan S.M.A.A.H. di 43 aña y L.F.S.C. di 54 aña, manera a worde describi ariba, ta naci na Colombia, y a denuncia e siguiente caso na autoridad.

Segun nan declaracion nan a duna e señora di inicialnan L.F.H. na principio di e aña aki como "21 permiso" pa procesa, pa cada un di e permisionan aki nan mester a pone riba mesa e suma di 700 Florin cu ta bira un total di 21 mil Florin Arubano.

Na momento cu e proceso caba, nan sa cu un biaha mas

nan tin di paga un otro 700 Florin pa cada un di e permisionan aki.

Na varios ocasion e Colombianonan aki a bay na cas di e señora H., y e ultimo a bisa cu e permisionan ta "den proceso".

Na un otro ocasion, nan a worde notifica cu e permisionan ta casi mira luz di dia. Despues nan a warda, pero a tende nada mas di e señora.

Mirando cu dia, siman y hasta luna ta pasando, nan mes a dicidi di acudi na despacho di DINA pa averigua kico lo por ta tumando lugar pakico un tardanza asina.

Pa sorpresa di e hombernan aki a sali na claridad cu ningun dia no a worde entrega e peticionnan pa procesa e prolongacion di e permisionan.

Mirando cu aki lo ta trata di cos nan serio y suma di pago a tuma lugar y e grupo di persona a keda defrauda, nan a dicidi di entrega keho contra di e señora L.F.H. na

Ministerio Publico.

Parce cu a avisa e

hombernan cu lo ta trata di un caso civil y nan lo tin di

busca abogado pa bringa nan caso cual ta un poco raro.

Aeropuerto contento cu sentencia di Huez den Caso Kock/Ridderstap

ORANJESTAD (AAN): Diahuebs atardi, Huez a dicta sentencia den e caso cu Aruba Airport Authority N.V. a entama contra srs. Alberto Kock y Carlos Ridderstap pa dissolve nan contrato di trabao.

Huez a duna Aruba Airport Authority N.V. razon den e caso pa terminacion di contratonan di e dos personanan menciona entrante 1 di juni.

E disolucion di e contratonan tabata necesario considerando e proyecto dilanti terminal di aeropuerto cual ta inclui automatizacion di e parkinglot. Apesar di un periodo di adaptacion awe Gerencia ta satisfecho cu e funcionamiento di e sistema automatiza aki.



Ademas Huez a comenta cu e plan social ofreci door di Aruba Airport Authority N.V. na srs. Kock y Ridderstap pa dissolve nan contrato ta razonable.

Den un reaccion, director general Peter Steinmetz di

Aeropuerto a declara: "Aruba Airport Authority N.V. ta satisfecho cu e veredicto y ta spera cu esaki ta sera e buki den e asunto aki y lo permiti nos sigui concentra riba e futuro di nos Aeropuerto".

Atraco Team ta pidi Yudanza di pueblo

ORANJESTAD (AAN): E Team special cu ta atende caso nan di atraco na Aruba, esta "Atraco Team", recientemente a start cu nan investigacion relaciona cu e atraco cu a tuma lugar na Valero Oranjestad.

Recherchenan encarga cu e caso ta pidi of ta solicita e persona (nan) cu riba 15 di Mei 2005 pa mas o menos 1'or di marduga a pasa y por a wak kico tabata pasando, pa tuma contacto cu Warda di Polis Oranjestad na telefoon 582-4000 y pidi pa comunica cu Atraco Team.

E suministro di e informe ta suma importante pa cu e investigacionnan andando.

BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Stand di T.V.

Afl. 55,=

BAAS IN EIGEN HUIS!!

